

後 咍
敢
甲 覽
館
集 稿



德 昭

東

甲 辰

年

庚 子



後

甲

集

章大來
撰

中
華
書
局

Iwt40/0402

叢書集成初編

昭敢覽館稿（及其他一種）

中華書局出版發行

（北京王府井大街三十六號）

秦皇島市資料印刷廠印刷
一九八五年北京新一版

開本：七八七乘一〇九二毫米三十二分之一
統一書號：一七〇一八·一五一

後
甲
集

此 據 式 訓 堂 叢 書
本 排 印 初 編 各 叢
書 僅 有 此 本

後甲集者。家對山先生甲午以後。館躍雷三年之所作也。先生學益成。名益噪。四方請業者。日益繁。顧又善病。而著述日益富。其牽率應酬者。類緣手散去。今之哀然成集者。皆瑩瑩可傳誦者也。古之學者。月有程。日有課。以致驗其所造何如。歷三年必有進於前者。今徒視敬業樂羣論學取友爲北面稱弟子之事。一抗顏而爲人師。則封己自是。安望其知類通達。底於大成也哉。先生孜孜好學。惟日不足。自甲午以來。其所造又如此。嗟乎。由甲午而溯之前。此十年爲甲中。則先生方設教於清溪白門之間。與方靈臯、朱師晦諸君子相切劘爲古學。又前此十年爲甲戌。則先生方自聽竹軒。偕余兄弟。受經於忽菴夫子之門。出而與同郡金補山、陶半邨諸人遊。歷歷若曩日事。而先生年今四十餘矣。世徒歎其著述之工且多。不知其苦心孤詣。窮之久而將老也。豈不大可惜乎。雖然。窮達何足論。惟卓然自立者。爲能不搖於世。故謀所以自全而待後。先生之所造如此。更閱數年。安知不又有進於今。如今之進於昔者耶。子曰。人不學則老而衰。先生其必思之。予夫是集之佳。世固有能道之者。予何敢云。丁酉春王姪孫錦謹敘。

始余從學南雷黃先生。見其好學之勤。終其身不倦。既又與毛西河遊。其宏覽博綜。馳騁古今。老而益厲。以故南雷、西河之集。徧天下。自黃先生沒。西河如靈光獨存。癸巳。西河復厭棄人世。師友之閒。則其無人。而予亦廛而衰矣。山陰章子太顓。西河高第弟子也。予觀其深造不已。手胝口沫。不肯苟以從事。其探討六籍。能挾諸家之統緒。而不詭於理。其文章。能躡班、馬、韓、歐之室。其爲詩。標格閒遠。不墮言詮。而開參之才調。以佐其趣。其所得若與西河議論。有時出時入。要其涵而操之。靡不該洽。固儼然瓣香也。鐵厓之序潛溪集曰。文之師者。性也。性之師者。道也。道之師者。先王先聖也。未嘗以某代家數爲吾文之宗。某人格律爲吾文之體。而陳衆仲之序又曰。文必傳諸師。因溯源於黃柳。又上溯東萊。蓋吾浙東先達之論如此。合二說以觀學之不可無心得。而又不可無師承也。審矣。後之人自度萬萬不如潛溪。顧有師心自用。白首而依然童習者。其可慨也。太顓以方剛膺力。著作既炳。煥可觀。是集也。僅甲午後三年所掇。詩文雜著。其在取而讀之。必有信乎前說之非阿者。予晚而歸田。嬾不卽學。當壯盛時。謂大雅不多觀。幸一二人者。突兀相望也。今則惟懔然汗下。以無能繼續師友之淵源。而又見賢輩率壹意帖括。不樂肆志於古代。興無自。低徊久之。深喜太顓之進而益上。足以踵西河之武。而四方考德問業者。將謂菰蘆中。大有人在也。康熙丁酉夏五。甬上仇兆鰲治村題。

吾友章子太顯將刻其甲午後所著詩文而其間辨正典禮經述舊聞以及一人一詩之可紀者皆列而附見焉。總名之曰後甲集。既俾予卒讀矣。復屬予序數言簡端。慨自實學之不講。而士之獵取名譽者多出於五七言閒。以聲韻相矜高。蓋取青媲白。足以文其固陋。且假杜少陵無韻之言。絕不能工一語。封己自足。故以近日而論。求能說理論事。曲折傾寫。行歐曾文筆者。指不三四屈矣。使進而欲其沉潛經訓。折衷儒說。而斷其疑。則概乎未之有見也。今觀是集之成。其詩之包茹今古。固已唾棄一切。所作記敍等文。正復本原深厚。瀾翻不已。若經解數則。則又紛綸浩熟。綜漢宋之長。而參互正定。歸於至當。即瑣言碎事之雜出於筆記者。亦在資考證。廣見聞。而非以不根者逞也。然則讀是集者。其猶見先民窮理博物之實學。而異乎世之詞章聲悅矣。獨是予交章子二十餘年矣。知章子爲最深。章子天性恬淡。無他嗜好。壹意讀書。少以刻苦致喀血疾。然藥裹書冊。錯列左右。未嘗一日少輟也。人以文請者。亦捫胸腹應之。不以爲疲。著述之在吾黨。要推富有。則前乎甲者。固櫝而未出也。章子學已卓絕。而不自滿假。搜閱籍訪逸典。日夜矻矻。於曩時意欲舉羣說之不一者。會歸而盡正之。可謂甚盛。聞嘗語予。近年讀史漢。較前十年所讀大不同。則非深造有得者。不能爲是言也。吾知後之日新月盛者。又以是甲先之矣。會稽同學田易拜書。

後甲集者。吾友太顓存甲午以後作也。太顓詩歌古文。雄長二十年。而所存止此者。其存偶也。舉今世惑於聲氣。所號名輩。人必有集。集必通人題署其首。相率而爲豐茸美滿。苟以求悅。而亦同歸漸滅。視吾太顓。優優涼涼。久而閑然者。何如也。昔者玉溪生有樊南甲集。蓋歷佐戎幕。牽率應酬。晚而密爾自娛。綴述小文。未免飄散。以爲時好。太顓以拓落書生。強半家居。間一至金陵。竟外之交絕少。無有力之士。以鼓動聲氣。而當世所謂大人先生。章奏碑版。洋洋大文之屬。無從一借其手筆。亦幸以此不飄散所向。當其鍵關仰屋。排筭衆妙。輪囷鬱勃。而爲此也。蓋愁歎之音。與世之可悅者。尠矣。然予以此決其必存。同學粹存。華甫諸君子。旣從臾開。雖予雖老。嬾無關心。顧於太顓作。不殊見獵。且知當世必有愛好如吾黨者。寶玉在空山。波斯賈望氣。卽見。不待捫摸也。予他時尙當取其少作。而次第存之。康熙丁酉長夏。同學金以成書於吳門廡下。

後甲集

一名 附雷館日記

卷上

記詩附詩話

記駢體

記文

卷下

記地

記日

記典禮

記事

記異

記語

記訓詁

記人

後
甲
集
目
錄

記物

記世系

記原

記跋

記聲韻

後甲集卷上

清 山陰章大來太顯稿

過王文成公故居

起甲午

我行伯府中，延眺來悲吟。前楹旣已頽，梁壁亦復傾。緬懷天泉橋，遺迹莽埃塵。淥池萍藻合，殘碣蛛絲繁。平生學道侶，感慨淚沾襟。桓桓文成公，勳在旂常銘。何人記功宗，侯伯轉紛爭。主盟竟誰延，堂構良苦辛。嗚呼明運圯，宮殿委荒榛。江表多烽燧，行營半鬼磷。何況故侯第，松柏摧爲薪。已矣勿復言，空庭起夕陰。

初至躍雷館有感寄諸同學并刻華姪孫

一徑穿林踏兩畦，土牆低築與肩齊。愁來憶弟看雲遠，時弟在蘇淚墮思親望樹迷。白髮有情隨藥裏，青燈何味斷鹽齏。年時是處傷心事，贏得高齋入品題。

五雲一曲淨無泥，只在人閒路杳迷。山遠城隅蹲赤豹，河流天界劈青霓。斜陽入望多垂柳，暮雨行吟好杖藜。何事千金買一刻，春風不隔板橋西。

南枝向暖北枝寒，春到林巒盡解歡。便有紅香來蛺蝶，最多清影是檀栾。向平五嶽終須到，揚子孤亭亦少寬。挈榼流觴吾輩事，時余病足無勝具正蹒跚。

取次鶯花三月來，可能懷抱向人閒。濠梁真覺魚非我，楚國誰教鵠是媒。多病已如千日醉，讀書終似十年孩。次宗開館雞籠後，招隱何曾讓不才。

欲折梅花寄所思。東風習習雨絲絲。蒼然暮色牛羊晚。條爾春光車馬馳。絕頂詩成留窈石。大江吟罷倚叢祠。山有鮑柳二姑。祠懸高可瞰東江。相看不厭君無吝。只在鶯啼草長時。

制府鄂朝宗先生初度奉寄

鵲印文垂早建牙。嶽蓮迎面控三巴。諸番按籍爲新朕。元老成功果世家。天眷自來西顧切。泰交從此萬年加。白頭原有貞心在。粒粒辰丹九轉砂。半生仕宦自西秦。到處爭傳雨露均。赤壁風高持節迴。蒼龍日暖建標新。眞靈位業同仙母。瀟灑文章屬後人。宴坐深沈浮鑿落。笑看鸞鶴下青旻。

再題雙松圖贈朝宗先生

韋鑾之筆寫雙松。影搖千尺摩蒼穹。兔絲女蘿不敢絆。離離相對如虬龍。誰與當此人中瑞。我公蒼然得眞意。功名已在天地閒。期頤不待官家賜。當年侍從有高堂。仗前冠劍生輝光。巧穿楊葉排枝戟。論功那數異姓王。我公早歲傷孤露。十步猶然九回顧。卿月分輝仙掌升。鸞臺此是官階路。阜成倡牧一朝先。李下無蹊眞大賢。西陲跳梁絕地紀。中朝被社明天權。戰士不愁輸輓竭。龍沙轉粟推三傑。從此天顏喜漸加。曰余外事汝陳臬。玉女頭盆清且明。華胥長樂新豐城。頭銜一轉一稱快。十年開府咸陽京。我公恩澤何磅礴。春雨春風相閒作。有時雷電拆句萌。有時雲日烘蘭萼。以此秦民輟轉思。銘功紀德無休期。遷官不願烏啼戟。駐節長爲旌是蜺。廟堂開濟需公策。高牙忽轉荊州陌。灌木叢篁伏獸多。蠻鄉犵嶺偏師阨。

公言若屬亦有心。窮年負固非其真。漸以仁恩摩以義招之。豈不爲農民駱馬嘯。嗟命勿亟。王言王意諄開釋。三苗分背洞庭西。正似兩階干羽格。卽今蕭相重入關。黃童白叟皆歡顏。軍無獷悍民無蠹。和調將吏樂自耽。坐略西戎靜邊徼。開疆闢土無嫖姚。黑番千戶盡歸心。紅苗何必非前導。况也天災偶告凶。鄉師爲粥吏佐饔。撫我頂踵摩我腹。百年野老歡未逢。七盤之嶺三巴水。不及我公恩德偉。召南久已頌甘棠。清時正合歌喜起。羔羊朋酒壽無疆。我亦追隨稱一觴。殷殷朱絲絨麟角。文章五采隨飛鳳。共言青雀來王母。請看雙松拂帝閭。

題史石帆秋園讀書圖

丹青着意點秋光。小院風微桂有香。買斷人間三畝宅。琴書隨地且徜徉。秀竹檀欒青鳳旗。斜陽茅舍映參差。紅牕應有人如玉。手點茶湯付侍兒。封門須借一丸泥。不放桃花出碧溪。我欲春山營老學。香爐峯下石帆西。放翁老學菴遺址在石帆山。

宗之案上小山

怪煞南朝金粉多。十年灰裏撥陰何。宗之在金陵詩思清苦絕去脂粉之習。歸囊清絕煙霞窟。也是先生手琢磨。鑄石嶙峋畫不如。底須誇口玉蟾蜍。憑添金鴨餘香繞。正似山雲學卷舒。鬢絲禪榻伴愁眠。一段青山在目前。布襪芒鞋遊未可。煩君着我小山邊。

蕭山陳烈女題旌建坊效香山體爲白石行

峨峨白石墳，藹藹冬青樹。^{上叶}香魂杳難尋，哀此陳氏女。陳家有女，顏如玉，養在深閨年十六。桃紅未過梅未黃，夫婿金張猶未卜。何來一狂且，調笑等封狐。青松白石誰能玷，犬吠雞鳴恨已殊。更是玉顏消不得，蘭缸明滅啼烏鳥。脫我頭上簪，解我腰下帶。懸卻房中梁，不教阿母相牽掛。哭斷青天慘不聞，觀者填巷隘。我聞天地間，人爲貴。禮義廉恥曰四維，何以貞淫非一類。古來盜賊苦點澆，憤裂肝腸愁無那。女投壘婦新臂，青史流傳振哀懦。彷彿塞鄉有幾箇，賢哉陳氏女。峨峨白石墳，藹藹冬青樹。千秋萬歲身後名，請看華表中天豎。我今酌汝一杯酒，黃香冉冉汝知否。血污遊魂可奈何，令我涕淚雙滂沱。男兒無義何其多，嗚呼男兒無義何其多。

贈廣文李開遠先生時先生方訂羣芳譜招余刪定

乙未起

天公染花花滿山，膽瓶斜插蘸脂顏。龍門上日修花史，睡起恰在紅香間。偶然問字來函丈，條指羣芳便抵掌。紕繆塗成半紙鴉，搜羅還作張華想。坐我春風三月中，羅閣幾盞填心胸。打盤不似庾郎韭，楚苗燕芥吳江蓀。慚子楊腹惟一飽，著書未能助天巧。他年箋罷祀花神，來就先生讀書好。揚家載暫重徘徊，應是春花秋月時。但恐天上啣魚鳥，早傍山陰絳帳飛。

讀給諫沈公傳同馬伯槐作

本以酬功諫，胡然被罪幽。未能生見父，甚愧女同憂。土鼓潮聲動，天心雀報休。青霞絕塞上，辛苦竟誰優。

先生名獻十八年，土亦可鼓。鼠亦能舞，皆實事也。傳末載末句，指沈惠惠公。

訪周粹存學兄其高弟姚遜脩字及招同錢再錫劉咸欣徐笠山諸君歡宴歸而臥疾走筆代簡
裙屐以時聚。壺觴不世情。別離纔幾日。疾病又從生。過眼流三伏。逢人說二丁。盤龍加餐飯。好共短長檠。

少峯十四姪孫之蘭州詩以送之

此行非不濟。離別正堪愁。夾路惟明月。催人易白頭。詩應秦國大。天爲嶽蓮秋。懷古登高日。將無笑鸛鳩。
偶伴兼分散。青峯與少峯。時青峯有白門之行竹林無舊趣。鞍馬信秋風。對汝思先德。謂其父教兒慎後功。少峯善
長城一萬里。歸信及賓鴻。

送左恆姪孫謁選

送別江關秋日晴。喜君謁選有微榮。獨憐舊雨愁中散。未卜青衫身外名。出處從來雲變化。文章何處劍
飛鳴。黃龍占氣今番決。忍看蕭蕭白髮生。

送族姪芝山出宰閩清芝山是少時同學

雲泥異路何煩說。天水蒼茫亦可親。老去比隣燈火共。早年同學鬢毛新。風流到處花爲縣。謬牒閒來印
有塵。倘過梨山問瓜瓞。爲余重拜練夫人。

過雨水亭訪陶鈞厂前輩承示古今同姓名考四書獻耐久小傳率賦奉贈

山鷄自愛亦徒然。不覺蹉跎近老年。碧海洪濤驚乍拜。孤燈寒焰耿無眠。淩雲託契惟筇杖。對菊盟心乏
酒錢。留得千秋人物在。滿亭黃葉正堪憐。

和孟四敏途壽硯隣六十卽次原韻

兒時便欲凌秦岱。手探月窟天香再。交合丹青雨露邊。大澤流行千萬派。蹉跎四十未成名。白玉紅顏我
蕉萃。皮毛脫落骨肉離。頭角摧藏舌尚在。自嗟無命長後人。搔首問天天不對。濁醪之理吾未知。杯水何
能澆壘塊。硯隣先生老冠帶。六十年前清淨退。湖山萬軸詩百篇。百城何啻南面貴。張燈欲置河朔飲。磨
刀愛砍松江鱸。酒酣耳熱一掀髯。富貴胸中何芥蒂。已遣白雲封了。薦更疊青山長叢桂。松風時作海濤
聲。吹去塵氛餐沆瀣。散金闕粟古人情。餘事還能壓奴輩。丈夫生世要有用。何論雲霄與蓬艾。見君恬淡
能樂施。使我心平低首拜。只今六十同三十。瀟灑行遊無罣礙。兒孫風雅共纏綿。弟勸兄醉俱可繪。老圃
秋容淡更妍。南山逼冬彌蒼翠。

寄懷金海查進士粵西

新雨過西郊。流風吹江岸。采采芙蓉花。持贈同心玩。欲往重裴徊。路遠香恐散。惆悵海查人。遙遙望天漢。
祝伸待移家。羅門將依王介山。東粵作詩贈之并寄介山。

孟冬將首途。陽至猶未發。移家上羅門。酸風排閉闥。通林野景懸。方庭貯明月。情深訪舊交。城南路紆折。
相思無近遠。相見無言說。呼兒烹渚茶。昂頭看山骨。誰爲玉筍平。誰爲香爐突。誰爲芙蓉峯。峯峯見巖嶂。
青如翠織成。端若屏障列。天遣此名山。爲君自怡悅。饑來還驅汝。感慨中腸熱。丈夫盛交遊。所貴在豁達。
弗食蚯蚓泥。敢近太湖獺。至文王彥方。年侵慰饑渴。春風合沓來。翻飛誰能掣。一舉五千里。羅浮看香雪。